

M235: Windberger Vaterunser-Erklärung

122v,1 oratio dominica . vater dû dâ bist in den himelen . geheiliget
122v,2 werde dîn name . zuo kome uns dîn rîche .
122v,3 dîn wille werde hier in erde ervüllet als dâ ze himele .
122v,4 gip uns unser tagelich brôt hiute . unde verlâz uns
122v,5 unser schulde sam wir unsern scholâren . unde verleite
122v,6 uns niet in die bekorunge des leidigen vîjendes . sunder
122v,7 dû erloese uns von alleme übele . âmen .
122v,8 pater noster qui es in . caelis . hier biten wir [...] unsern vater [...] hin
122v,9 ze himele . wan wir alle von ime geschaffen sîn
122v,10 der bejihet rehte [...] den himelischen vater der
122v,11 sînen willen tuot . sanctificetur . nomen . tuum . daz ist daz wir biten
122v,12 sulen . daz wir heilic unde reht werden . unde
122v,13 uns des übelen gelouben . unde guotiu werc tuon . unde mîn
122v,14 trehtîn minnen . unde in vürhten . unde loben mit durhnehter
122v,15 geloube . unde mit guotem willen . adveniat . regnum .
122v,16 tuum . daz ist daz wir biten sulen . daz mîn trehtîn in
122v,17 uns rîchese . unde uns die tötlichen sünde lâzen . daz
122v,18 er uns gerehte vinde sô er die sêle von dem lîbe eischet .
122v,19 fiat . voluntas . tua . sicut . in . caelo . et in . terra . daz ist daz wir biten
122v,20 sulen als die engele . unde die rehten mîneme
122v,21 trehtîne dâ ze himele dienen . daz ouch wir
122v,22 ime âne houbethaftige sünde hier in erde dienen müezen